



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blossii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Cap X. De orationibus, quæ pro fidelibus defunctis fiunt, sive de  
Purgatorio.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

collyrii  
Hæreticorum  
Lib. II.

id est, in id unde imago deducta est, & quod ipsa repræsentat; neque enim materiam ex qua imago facta est, veneramur.

2. *Cultus idolatri*  
Nam Deus in Exodo, & Deuteronomio, vel aliis veteris Testamenti locis, vetans fieri sculptilia & similitudines, non omnino damnat imagines, sed prohibet, ne illis tanquam diis per idololatriam adoratio deferatur. Nā Cherubim obumbrantia propitiatorium ab ipso Deo iussus est facere Moyses.

3. *Nicenum Concilium*  
Divorum imagines, libri simpliciorum sunt: sed & eruditi atque sapientes qui que ex illarum aspectu non parum proficiunt. Hinc pluribus jam Conciliis approbatus fuit in Ecclesia usus sanctorum imaginum. Secundi Concilii Niceni verba hæc sunt: *Fa-*  
*temur unanimiter, nos Ecclesiasticas consuetudines retinere velle, quarum de numero est imaginum effiguratio. Et paulò infra: Nos regiam viam incedentes, & sanctorum divinorumq; Patrum nostrorum doctrina insistentes, atq; Catholica Ecclesie (in qua Spiritus sanctus habitat) traditionem observantes, definimus, cum omni diligentia & cura venerabiles sanctasq; imagines in templis sanctis collocandas, habendasq; tum in sacris vasis & vestibus, tum in parietibus & tabulis, in adibus privatis, & viis publicis: quò scilicet per hanc imaginum inspectionem omnes, qui contemplantur, ad prototyporum memoriam & recordationem atque desi-*

*derium veniant, illisq; salutationem & honorariam adorationem exhibeant.* In eodem Concilio Niceno citantur verba divi Basilii, dicentis: *Historias imaginum Sanctorum honoro & palàm adoro, & hoc enim nobis traditum est à sanctis Apostolis.* Ubi ipse Basilius intelligit adorationem reverentiæ, non autem illam adorationem latriæ, quæ Deo tantum debetur.

## CAPUT X.

*De Orationibus, quæ pro fidelibus defunctis fiunt, sive de Purgatorio.*

1. *Oratio pro defunctis probatur ex Scriptura.*
2. *Ex Liturgia apud S. Dionysium Areopagitam.*
3. *Ex Missa S. Chrysostomi, & aliorum sanctorum Patrum dicta.*
4. *Inde sequitur dari purgatorium, in quo sint anime, pro quibus oratur.*
5. *Præterea ex verbis Christi, crebris revelationibus, & somnii fide Ecclesie.*

**H**ÆRETICIS Purgatorium esse negantibus, reclamant hæc divinæ Scripturæ verba: *Sancta & salubris est cogitatio pro defunctis exorare, ut à peccatis solvantur.*

Dionysius Areopagita, Pauli Apostoli discipulus, capite ultimo libri de Ecclesiastica hierarchia, apertè declarat, Pontificem ex traditione Apostolorum fundere preces pro fidelibus defunctis; ubi inter cetera dicit: *Venerandus Antistes precem sacram suam per mortuum peragit. Precatur oratio illa divinam clementiam, ut cuncta dimittat per infirmitatem humanam admissa peccata defuncto, eumq;*

1. *Orationem pro defunctis commendat Scriptura, 2. Mach. 12.*

2. *Et Liturgia verbi S. Dionysii Areopagita.*

collyrii  
Hæreticorum  
Lib. II.

*eumq; in luce statuat & regione vi-  
vorum, in sinibus Abrahæ, Isaac &  
Jacob, in loco unde aufugit dolor, &  
tristitia, atque gemitus. Hæc ille.*

3.  
Sicut &  
SS. Ioan-  
nes Chry-  
sostomus,  
Gregori-  
us Nyss-  
enus, &  
Ioannes  
Damas-  
cenus.

Itidem beatus Joannes Chryso-  
stomus, Gregorius Nyssenus, & a-  
lii quamplures asserunt, ab Apo-  
stolis sancitum fuisse, ut Sacerdos  
in Missæ Sacrificio memoriam fi-  
delium defunctorū agat: id quod  
Joannes Damascenus abundè do-  
cet in Sermone quem de Defun-  
ctis scripsit. Unde etiam in Li-  
turgia Chrysostomi legimus hanc  
precationem: *Honorabilium, in-  
corporearum, supercaelestiumq; Po-  
testatum, & sancti Prophetae Prae-  
cursoris ac Baptiste Joannis, sancto-  
rumq; Apostolorum gloriosissimo-  
rum, atque omnium Sanctorum tuo-  
rum supplicationibus respice nos  
Deus, & memento omnium qui in re-  
surrectionis vitæq; æternæ spe obdor-  
mierunt, eosq; fac requiescere ubi  
cernitur lumen vultus tui. Hæc ibi.*

4.  
Non ora-  
retur pro  
mortuis,  
nisi esset  
Purgato-  
rium.

Quòd si pro defunctis oran-  
dum est, planè Purgatorium est.  
Nam cum neque pro illis qui in  
cælum, neque pro his qui in in-  
fernum recepti sunt, orare conve-  
niat (illi enim non egent, isti ju-  
vari non possunt, viventium pre-  
cibus) fatendum est, animas eo-  
rum defunctorum, pro quibus o-  
ramus, neque in cælo neque in  
inferno esse; sed esse alibi, ubi ad-  
huc purgantur.

5.  
Esse Pur-  
gatorium  
probat  
variè.

Nisi quorundam peccatorum  
purgatio etiam post mortem, hoc  
est, in futuro sæculo heret, Chri-  
stus non protulisset istam senten-

tiam: *Quicumq; dixerit verbum, &c. Mat. II*  
contra Spiritum sanctum, non re-  
mittitur ei, neque in hoc saculo, neq;  
in futuro. Innumeræ revelatio-  
nes viris feminisque sanctissimis  
divinitus factæ, & ipsæ defuncto-  
rum animæ, quæ novissimis hisce  
temporibus frequenter (Deo ita  
disponente) viventibus apparent,  
maximèque inviolabilis Ecclesiæ  
Catholicæ auctoritas, abundè te-  
stantur esse Purgatorium, etiam si  
illud divinæ Scripturæ antiquo-  
rumq; Theologorum verbis com-  
probari non possent.

CAPUT XI.

De Aqua benedicta, & cereis atque  
luminaribus Ecclesiæ.

1. Aqua benedicta usu in primaria Eccl-  
sia, & illius efficacia contra fraudes demonum;
2. Cereorum item & iuminarium, oleiq; &  
lampadarum, tam in templu quam in exequiis  
moriuorum.

**D**e Aqua benedicta Alexan-  
der Summus Pontifex, & Martyr Dei inclytus, in quadam  
epistola sua ante annos mille  
quadringentos scripta, loquitur  
hunc in modum: *Aquam sale com-  
persam populis benedicimus, ut ea  
cuncti aspersi sanctificentur ac puri-  
ficentur: quod & omnibus Sacerdo-  
tibus faciendum esse mandamus.  
Nam si cinis vitula aspersus popu-  
lum sanctificabat atque mundabat;  
multo magis aqua sale aspersa, di-  
vinisq; precibus sacrata, populum  
sanctificat atq; emundat. Et si sale  
asperso per Eliseum Prophetam ste-  
rilis*